

FÓGRA FOIRCEANTA

Tugann an tAire Tithíochta, Pleanála agus Rialtais Áitiúil (“an tAire”) fógra, leis seo, go ndearna sé cinntiúchán ar iarratas dar dáta an 12 Feabhra 2016 ar Cheadúnas Urthrá faoi Alt 2 den Acht Imeall Trágha, 1933 ar Fhoras na Mara chun an tsaoráid tástála fuinnimh in-athnuaite ar ¼ scála, bonneagar láithreán tástála agus gléasanna sonraithe a shuiteáil ag Láithreán Tástála Fuinnimh Mhuirí agus In-Athnuaite Chuan na Gaillimhe a bheartaítear ag an Spidéal, Contae na Gaillimhe.

CINNTIÚCHÁN

Rinne an tAire cinntiúchán de bhun fhorálacha an Achta Imeall Trágha, 1933 chun Léas Urthrá a dheonú don Iarratasóir, le héifeacht ón 15 Nollaig 2017, i dtaca leis an bhforbairt a ndéantar cur síos uirthi san iarratas, faoi réir na gcoinníollacha a leagtar amach sa Léas Urthrá.

NA PRÍOMHCHÚISEANNA AGUS NA PRÍOMHBHREITHNIÚCHÁIN

Bhí aird ag an Aire ar na ceisteanna seo a leanas nuair a bhí cinntiúchán á dhéanamh ar an iarratas ar Léas Urthrá:

- Cineál agus scála na forbartha, faoi mar a ndéantar cur síos air san iarratas agus na cáipéisí tacaíochta a sholáthair Foras na Mara,
- na haighneachtaí a fuarthas ó na comhlachtaí forordaithe,
- an comhairliúchán poiblí faoinar tugadh,
- na haighneachtaí poiblí a fuarthas,
- an tástáil i leith measúnú ar an tionchar ar an gcomhshaol,
- an tástáil i leith measúnú oiriúnachta,
- tuarascáil agus moltaí an Choiste um Grinnfhiosrúchán Ceadúnas Muirí (an MLVC),
- na coinníollacha atá le ceangal leis an toiliú urthrá,
- forálacha an Achta Imeall Trágha 1933 – 2014, agus
- Beartas an Rialtais a thacaíonn le taighde agus forbairt san Earnáil Fuinneamh Aigéin.

Agus aird ar an méid thuas, agus aird ar leith ar na coinníollacha léasa a bhaineann leis an Léas Urthrá, agus i ndiaidh comhaontú a dhéanamh ar mholadh an MLVC, tá an tAire sásta (i) nach n-imreodh an fhorbairt a bheartaítear ar an urthrá drochthionchar suntasach ar shláinte agus sábháilteacht daoine, ná ar an timpeallacht mhuirí; (ii) nach n-imreodh an fhorbairt a bheartaítear ar an urthrá drochthionchar ar shláine aon láithreáin Eorpaigh; agus (iii) go bhfuil sé ar mhaithe le leas an phobail an Léas Urthrá a dheonú agus aird ar chuspóir na n-oibreacha urthrá.

Tá an fhaisnéis seo a leanas ar fáil ar láithreán gréasáin na Roinne Tithíochta, Pleanála agus Rialtais Áitiúil ag:

Nasc le láithreán gréasáin na Roinne:

<http://www.housing.gov.ie/pleanáil/urthra/iarratais/marine-institute-spiddal>

- i. Fógra Cinntiúcháin;
- ii. Faomhadh an Aire chun Léas Urthra a Dheonú;
- iii. Léas Urthra faoi mar a fhorghníomhaítear é idir na páirtithe, na coinníollacha a bhaineann leis an gcinntiúchán ina measc (a chruthaíonn cuid den Léas Urthra);
- iv. Tuarascáil an MLVC;
- v. Faisnéis ar an bpróiseas rannpháirtíochta poiblí, cóipeanna de na haighneachtaí go léir a fuarthas ina measc;
- vi. Aighneachtaí a rinne comhlachtaí forordaithe;
- vii. Tuarascáil Scagtha i leith Measúnú ar an Tionchar ar an gComhshaol;
- viii. Tuarascáil Scagtha Tástála i leith Measúnú Oiriúnachta;
- ix. Iarratas Léas Urthra anuas ar cháipéisí tacaíochta a sholáthair Foras na Mara.

Is féidir cigireacht saor in aisce a dhéanamh ar an ábhar seo, chomh maith, ag an oifig seo a leanas den Roinn:

An Rannóg Pleanála Muirí agus Urthra
An Roinn Tithíochta, Pleanála agus Rialtais Áitiúil
Bóthar an Bhaile Nua
Loch Garman
Y35 AP90
Guthán: 1890 20 20 21
Ríomhphost: foreshore@housing.gov.ie

NÓS IMEACHTA ATHBHREITHNITHE

Tá nós imeachta athbhreithnithe ar fáil os comhair na hArd-Chúirte inar féidir agóid a dhéanamh in aghaidh dhlíthiúlacht shubstainteach nó nós imeachta chinntiúcháin an Aire. Rialaíonn Ordú 84 de Rialacha na nUaschúrteanna, 1986 (I.R. 15 de 1986) an nós imeachta athbhreithnithe. Caithfidh duine ar mian leis/léi tabhairt faoin nós imeachta athbhreithnithe (i) ráiteas foras; agus (ii) mionscríbhinn deimhnithe a chomhdú i Lár-Oifig na hArd-Chúirte. Is gá, ansin, iarratas a dhéanamh ar chead chun iarratas a dhéanamh ar an Ard-Chúirt.

Déanfar iarratas ar chead chun iarratas a dhéanamh ar athbhreithniú breithiúnach laistigh de thrí mhí ón dáta a tháinig na forais a bhí leis an iarratas chun solais faoi Alt 21(1) d'Ordú 84 de Rialacha na nUaschúrteanna arna leasú ag I.R. Uimh. 691 de 2011. Cuirtear tús leis an teorainn ama don athbhreithniú sin ó Dháta Foilsithe an Fhógra Cinntiúcháin seo. Is féidir faisnéis bhreise ar an meicníocht athbhreithnithe a fháil ó láithreán gréasáin an Bhoird um Fhaisnéis do Shaoránaigh: www.citizensinformation.ie

Baineann Alt 50B den Acht um Pleanáil agus Forbairt, 2000 arna leasú le hImeachtaí Athbhreithnithe Bhreithiúnaigh, *i measc rudaí eile*. Pléitear ceist na gcostas faoi Fho-Ailt (2), (2A), (3) agus (4). Rialaíonn Ordú 99 de Rialacha na nUaschúrteanna, 1986 (I.R. 15 de 1986) an nós imeachta athbhreithnithe. D'ainneoin aon ruda a chuimsítear in Ordú 99 de Rialacha na nUaschúrteanna, 1986 (I.R. 15 de 1986) agus faoi réir fho-ailt (2A), (3) agus (4),

in imeachtaí lena mbaineann an t-alt seo, íocfaidh gach páirtí leis na himeachtaí (aon pháirtí fógra ina measc) as a gcostais féin. Tá téacs iomlán Alt 50B ar fáil ag:

<http://www.irishstatutebook.ie/2010/en/act/pub/0030/sec0033.html#sec33>

An Roinn Tithíochta, Pleanála agus Rialtais Áitiúil

Dar dáta an 15 lá seo de Nollaig 2017